



歷代京宅記卷之五

關中三

漢

上林苑以下苑圃 漢上林苑即秦之舊苑而秦之舊苑也漢書云武帝建元

三年開上林苑東南至藍田宜春鼎湖御宿昆吾旁南山而西至長楊五

柞北繞黃山瀕渭水而東周袤三百里離宮七十所皆容千乘萬騎漢宮

殿疏云方三百四十里漢舊儀云方三百里苑中養百獸天子秋冬射獵取

之帝初脩上苑林羣臣還遠方各獻名果異卉三千餘種植其中亦有製為

美名以標奇異苑中有昆明觀武帝置又有蘭觀漢書元后傳春幸蘭館率皇后列

林苑有蘭觀侯夫人乘師古平樂觀望遠觀燕昇觀象觀便門觀白殿觀三爵觀陽縣觀陰德



觀昂郊觀膠木觀柝唐觀魚鳥觀元華觀走馬觀柘現上關現元后傳校獵上關現名

上關現名即池現當路觀皆在上林苑又舊儀曰上林有令有尉禽獸簿記

其名數張釋之傳上問上林尉諸禽獸簿又有上林詔獄主治苑中禽獸官館之事屬水衡又

上林苑中有六池市郭宮殿魚臺火臺獸園西京雜記曰茂陵富民剽廣漢藏銀巨萬家僮九百人于山下築園東西

四里南北五里激流水注其中構石為山高十餘丈連延數里養白鸚鵡紫鴛鴦犛牛青兕奇獸珍禽委積其間積沙為洲激水為波濤致江鷗海鶴孕雛產鵲延漫林池奇樹異草靡不培植屬

屋皆徘徊連屬重閣修廊行之移晷不能偏也廣漢後有罪誅沒入為官園鳥獸草木皆移植上林苑中

甘泉苑 武帝置緣山谷行至雲陽三百八十一里西入扶風凡周回五

百四十里苑中起宮殿臺閣百餘所有仙人觀石闕觀封巒觀鳩鵲觀

御宿苑 在長安城南御宿川中漢武帝為離宮別館禁禦人不得入往

來游現止宿其中故曰御宿三秦記云御宿園出栗十五枚一勝大梨如栗

五勝落地則破其取梨先以布囊盛之號曰含消此梨園也漢書百官表水衡都尉武帝元鼎

二年初置掌上林苑屬官有御羞令丞如淳曰御羞地名也在藍田楊雄傳謂之御宿師古曰御宿即今長安城南御宿川也下在藍田羞宿音相近故或云御羞或云御宿耳羞者珍羞所出宿

者止宿之義元后傳作御宿

思賢苑 西京雜記孝文帝為太子立思賢苑以招賓客苑中有堂室六

所客館皆廣廡高軒屏風幃褥甚麗

博望苑 武帝為太子開博望苑以通賓客在長安城南杜門外五里有

遺址

西郊苑 漢西郊有苑園林麓藪澤連亘繚以周垣四百餘里離宮別館五

百餘所按此疑是園苑之總名非別有西郊苑也

樂遊苑 在杜陵西北宣帝神爵三年起關中記曰宣帝立廟于曲江之北號樂遊按其處則今之呼樂遊廟是也

杜縣東作京
城東南隅

京雜記曰樂遊苑自生玫瑰樹下有首蓿首蓿一名懷風時人或謂之光風在其間常蕭然日照其花有光采故名首蓿為懷風茂陵人謂之連枝叶

宜春下苑 在杜縣東晉灼曰更記云樂三杜南宜春苑中師古曰宜春下苑即今京城東南隅也江是南貢傳為省宜春下苑以與貧民即此

廣明苑 采經注其一渠東逕鳳明縣廣城鄉之廣明苑南史皇孫及王

夫人葬于郭北宣帝遷苑南以為悼園益園民千六百家立鳳明縣以奉

二園在東都門昌邑王賀自霸御法駕郎中令龔遂縣乘至廣明東都

門是也

三十六苑 漢儀注太僕牧師諸苑三十六所分布北邊西邊以郎為

苑監宦官奴婢三萬人養馬三十萬匹養鳥獸者通名為苑故謂牧馬處

為苑

梨園 雲陽宮記曰雲陽居箱坂下有梨園一項梨數百株青翠繁密望

之如車蓋

昆明池以下池治 漢武帝元狩四年穿在長安西南周回四十里西南夷傳曰

天子使使求身毒國而為昆明所閉天子欲伐之昆明國有滇池方三百

里故作池以象之以習水戰因名曰昆明池漢書元狩三年滅隴西北地土部成

食貨志曰時越欲與漢用船戰遂乃大修昆明池三輔舊事曰昆明池地三百

三十二頃中有戈船各數十樓船百艘船上建矛戈四角悉垂幡旄於葆

麾蓋照灼涯涘圖曰上林苑有昆明池周匝四十里廟記池後作豫章大

船可載萬人上起宮室因欲游戲養魚以給諸陵祭祀餘付長安厨西京雜

付長安市賣之三輔故事又曰池中有豫章臺及石鯨刻石為鯨魚長三丈每至雷

雨常鳴吼鬣尾皆動西京雜記曰後世祭之以祈雨往有驗一說甘泉宮南有昆明池中有靈

波殿皆以桂為殿柱、風來自香、又曰、池中有龍首船、常令宮女泛舟池中、張鳳蓋、建華旗、作擢歌、襍以鼓吹、帝御豫章觀、臨觀為關輔古語曰、昆明池中有二石人、立、牽牛織女于池之東西、以象天河、張衡西京賦曰、昆明靈沼、黑水玄址、率牽牛立其右、織女居其左、今有石父石母神祠、池在廢池、疑此是也、武帝初穿池、得黑土、帝問東方朔、曰、西域胡人知之、乃問胡人、胡人曰、劫燒之餘灰也、魏書曰、世祖太平真君元年、發長安五十人、後昆明池、高祖池、博士姜澗諫乃止、明帝二年六月辛未、幸昆明池、十三年七月丁巳、幸昆明池、隋書文帝開皇十二年七月壬戌、幸昆明池、十三年七月丁巳、幸昆明池、舊唐書高祖武德六年三月己未、幸昆明池、宴百官、九年三月丁卯、幸昆明池、太宗貞觀五年正月癸酉、大蒐于昆明池、代宗大曆二年二月壬午、幸昆明池、踏青、武宗紀、會昌元年二月壬寅、幸昆明池、陳王固聘西、魏宴昆明池、魏人以南人嗜魚、大設罟網、固以佛法咒之、遂一鱗不獲、周太祖往昆明池、觀漁、行至城西漢故倉地、顧問左右、莫有知者、或曰、藕、繡、傳物多通、請問之、太祖召繡、具以狀對、繡有口辯、應對如流、太祖益喜、與繡並、德宗貞元十三年、命京兆尹韓皋充使、馬徐行至池、竟不設罟罞而還、

浚之、追尋漢制、引交河澧水合流入池、

鎬池 在昆明池北、即周之故都也、廟記曰、長安城西有鎬池、在昆明池北、周匝二十二里、溉地三十三頃、更記秦始皇三十六年、使者從關東、夜

至華陰平舒道、有人持璧、遮使者曰、為吾遺鎬池君、因言曰、今年祖龍死、

使者問其故、忽不見、置其璧去、使者奉璧具以聞、始皇默然良久曰、山鬼

不過知一歲事也、退言曰、祖龍者人之先也、使御府視璧、乃二十八年渡

江所沈璧也、

滄池 在長安城中、舊圖云未央宮有滄池、言池水蒼色也、水經注曰、沈水枝

水入城、東為倉池、池在未央宮西、

太液池 在長安故城西、建章宮北、未央宮西南、太液者言其津潤所及

少府飲飛外池。漢儀注飲飛具罾繳以射鳧雁給祭祀故有池。孝元紀初元二年

酒池。在長安故城中。廟記曰長樂宮中有魚池酒池。上有肉炙樹。秦始皇造。漢武行舟于池中。酒池北起臺。天子于上觀牛飲者三千人。又曰

武帝足^帝以夸羗胡飲以鐵杯重不能舉皆抵牛飲。田征賦云酒池監於商

辛。追覆車而不悟。

影娥池。在建章宮。武帝鑿池以翫月。其旁起望鵲臺。

琳池。昭帝元始元年穿廣千步。王嘉拾遺記曰池中植分枝荷一莖四葉狀如駢蓋

玄珠可以飾佩。花葉葳蕤。藜藿之氣徹十餘里。食之令人口氣常香。蓋脈治病。帝時命水

嬉游燕永日。以文梓為船。木蘭為柁。刺飛燕翔鷁飾於船前。隨風輕漾。畢還忘歸。起高臺

于池上。今臺無遺。趾溝池已平。又曰元鳳二年於琳池之南起桂臺。以望遠。東引太液之水。一

有一連理桂樹。上枝跨于渠水下。枝隔岸而南。生與上枝同一枝。

鶴池。在長安城西。

盤池。在長安城西北。

冰池。在長安城西。舊圖云西有彪池。亦名聖女泉。蓋冰彪聲相近而訛也。

蒲池。漢書高郊祀志五帝廟臨渭。其北穿蒲池。

靈臺。以下臺榭。在長安西北八里。漢始曰清臺。本為候者觀陰陽天文之象。

更名曰靈臺。郭緣生述征記曰長安宮南有靈臺。高十五仞。上有渾儀。張

衡所制。又有相風銅鳥。過風乃動。有銅表。高八尺。長一丈三尺。廣尺二寸。

題曰太初四年造。

栢梁臺。武帝元鼎二年起。在未央宮北門內。三輔舊事云以香栢為梁。

也帝嘗置酒其上詔群臣和詩能七言詩者乃得上五行志大初元年十月未央宮栢梁殿災

漸臺在未央宮高十丈一作三丈漸浸也言為池水所浸一說漸臺星名也

晉天文志漸臺四星在水經注曰未央宮西有滄池池中有漸臺師古曰未央殿西

漸臺漢兵起王莽死於此臺南有辟門三層高十餘丈中殿十二間階陛咸

以玉為之鑄銅鳳五丈飾以黃金樓屋上椽首薄以玉辟曰辟玉門

也

神明臺

見建章宮

涼風臺

在長安故城西建章宮北關輔記曰建章宮北作涼風臺積水

為樓

長樂宮 有魚池臺酒池臺秦始皇造又有著室臺闔鷄臺走狗臺壇臺

漢韓信射臺又未央宮有果臺東西山二臺未央宮有鈎戈臺通靈臺望鶴

臺眺瞻臺桂臺商臺避風臺並見上

通天臺 武帝元封二年作甘泉通天臺漢舊儀云通天者言此臺高通

于天也漢武故事築通天臺于甘泉去地百餘丈雲雨悉在其下望見長

安城武帝時祭泰一上通天臺舞八歲童女三百人祠祀招仙人祭泰一

云令人升通天臺以候天神天神既下祭所若大流星乃舉烽當作天而

就竹宮望拜上有承露盤仙人掌擎玉杯以承雲表之露元鳳間臺自毀

榱椽皆化為鳳龍隨風而飛去西京賦曰通天眇而竦峙徑百常而莖擢

上辦華以交紛下刻隋其若削亦曰候神臺又曰望仙臺以候神明望神

仙也。

長楊樹在長楊宮，秋冬校獵其下，命武士搏射禽獸，天子登此以觀焉。臺

有不日樹

豫章觀以下武帝造在昆明池中，亦曰昆明觀。一說曰：上林苑中有昆

明池，觀桓譚新論云：元帝被疾，遠求方士，漢中送道士王仲都，詔問所能

對曰：能耐忍寒，乃以隆冬感寒日，令袒載駟馬于上林昆明池上，環以水

而御駟者厚之，狐裘寒戰而仲都無變色，臥于池上，曛然自若，即此也。

飛廉觀，在上林苑，武帝元封二年，作飛廉神禽，能致風氣者，武帝以銅

鑄置觀上，同以為名，高四十丈。後漢明帝永平五年，至長安，迎取飛廉，并

銅馬置上，西門外為平樂觀，董卓悉銷以為錢。

單云扶風上舊本無七字從玉海

屬玉觀，在扶風，屬玉水鳥，似鷓鴣，以名觀也。宣帝甘露二年，行幸萑陽

宮，屬玉觀。

青梧觀，在五柞宮之西。西京雜記曰：觀前有三梧桐，樹下有石麒麟二

枚，列其脇，文字是秦始皇驪山墓上物也。頭高一丈三尺，東邊者前左脚

折處有赤如血，父老謂其有神，皆含血屬筋焉。

射熊觀，在長楊宮。

石闕觀封巒觀，雲陽宮記云：宮東北有石門山，岡巒縹緲，干霄秀出，有

石岩容數百人，上起甘泉觀，甘泉賦云：封巒石闕，弭迤乎延屬。

白楊觀，在昆明池東。

長平觀，在池陽宮，臨涇水。亦作館，元后傳登長平館，涇水而覽焉。後漢書獻帝紀韓遂馬騰與郭汜樊稠戰于長平觀，遂騰敗績，註前

書青善長平改名也上有觀在池陽宮南去長安五十里

龍臺館 在渭豐水西北近渭

泳木觀 在上林苑

細柳觀 在長安西北三輔舊事云漢文帝遣將軍周亞夫屯細柳今呼古徽是也

仙人現霸昌觀 蘭池觀 安臺觀 淪沮觀 在城外又有禁觀 董賢觀 蒼龍觀 當市觀 旂亭樓 馬伯騫樓 在城內

麒麟朱鳥龍興含章皆館名

蘭館 漢宮闕疏云上林苑有蘭觀蓋蠶繭之所也

石渠閣 蕭何造其下礮石為渠以導水若今御溝因為閣名所藏入閣

所得秦之圖籍至成帝又于此藏祕書焉三輔故事云在未央宮殿北甘露五經諸儒雜論于石渠閣

天祿閣 藏典籍之所在未央宮殿北漢宮殿疏云天祿麒麟閣蕭何造以藏祕書處賢才也劉向于成帝之末校書天祿閣專精覃思夜有老人著黃衣植青藜杖叩閣而進見向暗中獨坐誦書老父乃吹杖端煙然因以見向授五行洪範之文恐詞說繁廣忘之乃裂裳及紳以記其言至曙而去請問姓名云我是太乙之精天帝聞郊金之子有博學者下而現焉乃出懷中竹牒有天文地圖之書曰余畧授子焉至子歆從授其術向亦不悟此人焉

麒麟閣 在未央宮廟記云蕭何造

張晏曰武帝獲麒麟時作

光等十一人于麒麟閣。

三秦記云未央宮有堯閣廟記云未央宮有白虎閣屬車閣

掖門漢書呂后紀采虛侯章從太尉勃請卒千人入未央宮掖門師古曰非正門而在兩旁若人之臂掖也

永巷永長也宮中之長巷幽閉宮人之有罪者武帝時改為掖庭置獄

高列女傳周宣王姜后脫簪珥待罪永巷

辟雍在長安西北七里漢書河間獻王來朝獻雅樂武帝對之三雍宮

即此禮樂志云成帝時捷為郡水濱得古磬十六枚劉向說帝宜興辟雍焉水經注曰渭水又東合漕渠又東逕長安縣南東逕明堂南舊引水為辟雍處在昌路門東南七里其制上

圓下方九宮十二室四齋五色堂三百步有靈臺是漢平帝始四年立渠南有漢故園成帝建始二年罷雍邱時始祀皇天上帝于長安南郊應劭曰天郊在長安南郡北也

明堂在長安西南七里漢書曰武帝初即位嚮儒術以文學為本議立

明堂于城南以朝諸侯應劭註曰漢武帝造明堂王莽修飾令大

圓年在昆明故渠南高二丈周回百二十步

太學在長安西北七里王莽作宰衡時建弟子舍萬區起市郭上林苑

中三輔舊事云漢太學中有市有獄

漢立四廟祖宗廟異處不序昭穆

太上皇廟在長安故城中香室街南鴻翔府北關輔記曰在酒池北

高祖廟在長安故城中關輔記曰秦廟中鐘四枚皆在漢高祖廟中三

輔舊事曰高廟鐘重十二萬斤漢舊儀云高祖廟鐘十枚受各十石撞之

聲聞百里漢書文帝時盜取高廟玉環故事云光武至長安以宗廟燒蕩

為墟乃徙都雒陽取十廟合于高廟作十二室太長卿一人別治長安主

知高廟事、高廟有便殿、凡言便殿、便室、便坐者、皆非正大之處、所以就便安也。

高園 于陵上作之、既有正寢、以象平生正殿路寢也、又立便殿于寢側、以象休息閒宴之處也。

原廟 孝惠更于渭北建高帝廟、謂之原廟、漢書叔孫通傳曰、惠帝為東

朝長樂宮及閒往、師古曰、非大朝時、中間小謁也。數蹕煩民、作復道、復讀曰、復。方築武庫南、如、漢書武帝始築武庫

南、通奏事、因請問曰、陛下何自築復道、高祖寢衣冠、月出游高廟、應劭曰、旦出高祖表冠、講法、置名曰游衣冠、晉灼曰、黃圖高廟在長安城門街東。子孫奈何、乘宗廟道上行、寢在桂宮北。

我惠帝懼曰、急壞之、通曰、人主無過舉、師古曰、舉事不當、有過失。今已作、百姓皆知之、

矣、願陛下為原廟、渭北、師古曰、原重也、先已有廟、今更立之、故云重也。衣冠日出遊、蓋廣宗朝大孝之

本、上乃詔有司立原廟、

惠帝廟 在高帝廟後

文帝廟 號頤成、見上

景帝廟 號德陽宮、史記孝景中四年三月置德陽宮、

武帝廟 號龍淵、今長安西、茂陵東、有其處、作銅飛龍、故為名、

昭帝廟 號徘徊

宣帝廟 號樂遊、見上

元帝廟 號長壽

成帝廟 號陽池

太上皇有寢廟、園、原廟、昭靈后、武哀王、昭哀后、皆有園、孝惠皇帝有寢廟、

園孝文太后孝昭太后皆有寢園衛思后皇祖悼考皆有廟園廟曰奉明
元成之世祖宗廟在郡國者六十八合百六十七所京師自高祖至宣帝
與太上皇悼皇考各自居陵旁立廟并為百七十六又園中各有寢便殿
日祭於寢月祭于殿時祭于便殿寢日四上食廟歲二十五祠便殿歲四
祠又月一游衣冠四時祭宗廟用太牢列侯皆獻酎金以助祭諸侯王及列侯歲時詣京師侍祠助祭
南北郊天郊在長安城南地郊在長安城北所屬掌治壇墠郊宮歲時供
張以奉郊禘武帝定郊祠之事祠太一于甘泉園邱取象天形就陽位也
祀后土于汾陽陰廟中方邱取象地形就陰位也至成帝徙泰畤后土于
京師始祀上帝于長安南郊祀后土于長安北郊

漢初上祀社稷二字
標題

社稷。漢初除秦社稷立漢社稷其後又立官社配以夏禹而不立官稷至武帝
元始三年始立官稷于官社之後

太上皇陵 高帝葬一太上皇于櫟陽北原同置萬年縣于櫟陽大城內

以為奉陵邑其陵在東者太上皇在西者昭靈后也高祖初居櫟陽故太上皇因在櫟陽十年太上

北原 高祖長陵 在渭水北去長安城三十五里山東西廣一百二十步高十

三丈長陵周七里百八十步因為殿垣門四出及便殿掖庭諸官寺皆在

中

呂后陵 在高祖陵東按史記高后合葬長陵注云漢帝后同塋則為合
葬不合陵也

惠帝安陵 去長陵十里、在長安城北三十五里、安陵有果園鹿苑云、文帝霸陵 在長安城東七十里、因山為藏、不復起墳、就其水名以為陵號、

景帝陽陵 在長安城^東北四十五里、按景帝五年作陽陵、起邑陽陵山、方百二十步、高十丈、

武帝茂陵 在長安城西北八十里、建元二年初置茂陵邑、本槐里縣之茂鄉、故曰茂陵、周回三里、三輔故事云、武帝于槐里茂鄉、徙戶一萬六千、置茂陵、高一十四丈、一百步、茂陵園有鶴觀、

昭帝平陵 在長安城西北七十里、去茂陵十里、

宣帝杜陵 在長安城南、帝在民間時、好游鄠杜間、故葬此、

元帝渭陵 在長安城北五十六里、

成帝延陵 在扶風、去長安六十二里、王莽時遣使壞渭陵、延陵園門、果愚曰、母使民復思也、又以墨色滄其周垣、

哀帝義陵 在扶風渭城西北原上、去長安四十六里、

平帝康陵 在長安北六十里、興平原口、

文帝母薄太后南陵 在壩陵南、故曰南陵、

昭帝母趙婕妤雲陵 在雲陵陽甘泉宮南、今人呼為女陵、

李夫人墓 在茂陵西北一里、東西五十步、南北六十步、高八丈、俗名英陵、亦曰集儂臺、

漢有長水中壘屯騎虎賁越騎步兵射聲胡騎八營宿衛王宮周廬直宿、

虎威章溝皆署名
處

武庫 在未央宮蕭何造以藏兵器

來經漢昆明故渠出二宮之間又東歷武庫北標里子
築于此更記標里子名疾秦惠王異母弟也滑稽多
智秦人號曰智囊葬于渭南章臺之東曰後百歲當有天子之宮我墓標里子疾室在昭王廟西渭南
陰鄉標里故俗為之標里子至漢興長樂宮在其東未央宮在其西武庫正直其墓秦人諺曰力則任鄙
智則標里 田蚡傳嘗請考工地益宅
上怒曰君何不遂取武庫

靈金內府 太上皇微時佩一刀長三尺上有銘字難識傳云殷高宗伐
鬼方時所作也高祖以之斬白蛇及定天下藏于寶庫守藏者見白氣如
雲出戶狀若龍蛇呂后改庫曰靈金藏惠帝即位以此庫貯禁兵器名曰
靈金內府

太倉 蕭何造在長安城外東南在禁苑西北距中渭橋與長安故城
相接四面俱十三里亦隸苑中

古激作石激

細柳倉嘉倉 在長安西渭水北古激西有西柳倉城東有嘉倉

未央大廡 在長安故城中漢官儀曰未央宮六殿長樂承華等廡令皆

秩六百石

翠華廡大輅廡東馬廡軹梁廡騎馬廡大宛廡胡河廡駟駘廡皆在長安
城外

霸昌觀馬廡 在長安城外

都廡天子車馬所在中廡皇后車馬所在

獸園九彘園一 在未央宮中郡國志曰虎園在通
化門東二十五里文帝問上林尉及馮媛當

熊皆此處獸園上有樓觀

蠶室 行腐刑之所也司馬遷下蠶室

鐘室 在長樂宮呂后縛韓信置鐘室中

作室 尚方工作之所

靈夷郎 在長安城內藁街師古曰若今鴻臚客館

橫橋 三輔故事云秦造橫橋漢承秦志廣六丈三百八十步置都水令

以掌之號為石柱橋漢末董卓燒之石水中故為之石柱橋 水經注曰橋之北首壘

渭橋 在長安北三里跨渭水為橋秦始皇造刻石作力士孟賁等像

霸橋 在長安東跨水為橋漢水送客至此橋折柳贈別王莽時霸橋灾

便門橋 武帝作見上

飲馬橋 在宣平城門外

楊溝 長安御溝為之楊溝謂植高楊于其上也

長安九市 廟記云長安市有九各方二百六十六步六市在道西三市

在道東凡四里為一市致九州之人在突門夾橫橋大道市樓皆重屋又

曰旗亭樓在杜門大道南又有當事樓有令署以察商賈貨財買賣貿易

之事三輔都尉掌之直市在富平津西南二十五里秦文公造物無二價

故以市直為名班固西都賦云九市開場貨別隊分張衡西京賦云廓開

九市通關帶關旌旗五重俯察百隧是也又有柳市漢官闕疏細柳倉有柳市 東市西市

在醴泉坊憲帝紀六年郡國志長安大俠萬子夏居柳市更記司馬季主卜于

六月起長安西市西京雜記漢元始間太學列槐數百行諸生朔望會市各持

東市鼂錯朝服斬于東市其土物及經書買賣議論謂之槐市 漢書百官表京北有長

安會令馮翊有長安四市長丞食貨志莽于長安及五都立五均官更名長安東西市令及洛陽

邯鄲臨淄宛城都市長皆為五均司市稱師東市稱京西市稱畿洛陽稱中餘四都各用東西南

長安八街九陌。有香室街、夕陰街、尚冠前街、三輔故事云、長安城中八街九陌、漢書劉屈氂妻臬首華陽街、京兆尹張敞走馬章臺街、陳湯斬郅支王首懸蒿街。

長安城中間里。長安間里一百六十室居櫛比、門巷修直、潘岳西征賦尚冠修城、黃棘宣明、建陽昌陰、北煥南平、李善註、皆里名、漢書萬石君石奮徙家長安戚里、宣帝為曾孫舍長安尚冠里、劉向列女傳、節女、長安大昌里人也。

後漢

光武帝建武十九年修西京宮室。

趙

晉書載記曰、劉曜都長安、起光世殿于前、紫光殿于後、繕宗廟社稷南北郊、立太學于長樂宮東、小學于未央宮西、曜命起鄴明觀、立西宮、建凌霄于瀉池、又將於霸陵西南營壽陵、侍中壽豫和苞諫止之、省澧水園、以與平貧戶。

後趙

晉書載記曰、石季龍發雍洛秦并州十六萬人、城長安未央宮。

秦

晉書載記曰、苻健僭即皇帝位、于太極前殿、置來賓館于平朔、以懷遠人、起靈臺于杜門、苻堅起明堂、繕南北郊。

自永嘉之亂、庠序無聞、堅願留心儒學、王猛整齊風俗、政理稱舉、學校漸興、開隴清晏、百姓豐樂、自長安至于諸州、皆夾路樹槐柳、二十里一亭、四十里一驛、旅行者取資于塗、工商貿販于道、百姓歌之曰、長安大街、夾樹楊槐、下起朱輪、上有鸞棲、英彥雲集、誨我萌黎、堅置聽訟觀于未央之南、

後秦

晉書載記曰、姚興起浮圖于永貴里、立波若臺于宮中、沙門坐禪者恒有千數、

後魏

周書薛澄傳曰、大統四年、宣光清徽殿成、澄為之頌、

後周

周書明帝本紀曰、二年冬十二月癸亥、大廟成、武

武成二年春三月辛酉、重陽閣成、

武帝本紀曰、武成二年冬十二月、改作路門、應門、

保定三年秋八月丁未、改作路寢、

天和元年春正月辛巳、路寢成、幸之、令群臣賦古詩、京邑耆老、並預會焉、

頒賜各有差、

二年春三月癸酉、改武遊園為道會苑、丁亥、初立郊邱壇壝制度、

建德元年冬十二月壬寅、幸道會苑、以上善殿壯麗、遂焚之、

六年夏五月己丑、詔曰、朕欽承丕緒、寢興刑寅畏、惡衣蔬食、貴昭儉約、上

棟下宇、土階茅屋、猶恐居之者逸、作之者勞、詎可廣廈高堂、肆其嗜欲、往者冢臣專任、制度有違、正殿別寢、事窮壯麗、非直雕墻峻宇、深戒前五、而締構弘敞、有踰清廟、不軌不物、何以示後、兼東夏初平、民未見德、率先海內、宜自朕始、其路寢會義、崇信舍仁、雲和思齊、諸殿農隙之時、悉可毀撤、雕斲之物、並賜貧民、繕造之宜、務從早朴。

宣政元年春三月戊辰、於蒲州置宮、廢同州及長春二宮。

帝身衣布袍、寢布被、無金寶之飾、宮殿華綺者皆撤毀之、改為土階數尺、不施檀栢、其雕文刻鏤、錦繡纂組、一皆禁斷、後宮嬪御、不過十餘人。

宣帝本紀曰、大象二年春三月辛卯、行幸同州、乙未、改同州宮為天成宮、帝所居宮殿帷帳、皆飾以金玉珠寶、光華炫耀、極麗窮奢、又以五色土塗

所御天德殿、各隨方色。

隋

隋書高祖本紀曰、開皇四年夏六月壬子、開渠自渭達河、以通運漕。

十三年春二月丙子、詔營仁壽宮。

十八年冬十二月、自京師至仁壽宮、置行宮十有二所。

舊唐書封倫傳曰、楊素將營仁壽宮、引倫為土木監、隋文帝至宮所、見制度奢侈、大怒曰、楊素為不誠矣、殫百姓之力、雕飾離宮、為吾結怨于天下、素惶恐、慮將獲譴、倫曰、公當勿憂、待皇后至、必有恩詔、明日果召素入對、獨孤后勞之曰、公知我夫妻年老、無以娛心、感飾此宮、豈非孝順、素退問倫曰、卿何以知之、對曰、至尊性儉、故初見而怒、然雅聽后言、后婦人也、惟

震是好、后心既悅、帝慮必移、所以知耳、素歎服曰、揣摩之才、非吾所及、
煬帝本紀曰、大業五年春二月己未、上御崇德殿之西院、啾然不怡、謂左
右曰、此先帝之所居、實用憎感情所未安、宜於此院之西、別營一殿、
地理志曰、京兆郡城東西十八里一百一十五步、南北十五里一百七十五
步、東面通化春明延興三門、南面啟夏明德安化三門、西南延平金光開
遠三門、北面光化一門、里一百六十二、

大興縣有長樂宮、

長安縣有仙都福楊太平等宮、有舊長安城、

整屋縣有宜壽仙遊文山鳳皇等宮、

鄠縣有甘泉宮、

渭南縣有少壽宮、

華陰縣有興德宮、

馮翊郡 朝邑縣 春有長春宮、

扶風郡 雍縣有岐陽宮、

郿縣有安仁宮、鳳泉宮、

普潤縣有仁壽宮、

歷代宅京記卷之六

關中四

唐

中間多參冊府元龜高祖本紀曰武德元年夏五月改隋大興殿為

大極殿昭陽門為順天門

秋七月庚申詔隋氏離宮遊幸之所並廢之

冬十月以武功舊宅為武功宮

五年秋七月甲申作弘義宮在官城外西偏初秦王居宮中承乾殿帝以秦王有定

天下功特降殊禮別建此宮以居之

六年夏四月己未以故第為通義宮

冬十二月庚戌以奉義監為龍躍宮帝龍潛宮時莊舍也武宮宅為慶善宮七年夏五

月丙戌作仁壽宮於宜君縣宜君縣置於古郿城屬京兆郡時屬宜州

八年夏四月甲申作太和宮于終南山長安城南五十里有太和宮

九月十月營永安宮改名大明宮以備太上白玉清暑

九年夏六月改東宮弘禮嘉福等門為光宣門

太宗本紀曰貞觀三年夏四月乙亥太上皇徙居弘義宮更名大安宮甲

年上始御太極殿

高祖傳曰周為監察御史上疏曰臣伏見大安宮在城之西其墻宇門
闕之制方之紫極尚為卑小臣伏以皇太子之宅猶處城中太安宮至
尊所居更在城外雖太上皇遊心道素志存清儉陛下重違慈旨愛惜

人力而藩夷朝見及四方觀者有不足仰瞻焉臣願營作堦雅修起門樓
務從高敞以稱萬方之望則大孝昭乎天下矣

二十年秋七月辛亥宴五品以上于飛霜殿殿在玄武門北因地形高敞
層閣三城軒欄相注又引水為潔淥池樹白楊槐柳與陰相接以滌炎暑

冬十月司空房玄齡及將作大匠閻立德大營北闕制顯道門觀並成

二十一年夏四月乙丑作翠微宮龍山為苑自初裁至于設帷九日而罷
宮正門北闕謂之雲霞門視朝殿名翠微殿其寢殿名含風殿并為皇太

子構別宮去臺連延里餘正門西開名金華門內殿名嘉安殿

秋七月丙申作玉華宮于宜君縣之鳳皇谷帝手詔曰朕聞上代無為簷

茅而砌土中季華用檻玉而臺瓊燥涇之致雖同奢儉之情則異朕承皇
王之緒執造化之綱包萬類于心端圖八紘于目際夏一軌區宇大同
每流鑑于前經常披懷而自勗思所以收驕閑逸卷慾除華而頃年以來
憂勞頽結暨至茲歲風疾彌時重以景熾流金風湯滂暑遭迴幾度旭暮
增勞俯仰巖廊寢興添獎唯冀廓景延涼蕩茲虛悞近因群下之志南營
翠微本絕丹青之工纔假林泉之勢峰居隘乎蚊睫山逕險乎焦原雖一
已之可娛念百僚之有倦所以載懷爽塏爰制玉華故遵意朴厚本無情
于壯麗尺板尺築皆悉折庸寸作寸功故非虛役猶恐遐邇乖聽方輿怨
咨非其樂勞人而竭力好峻宇而雕牆但以養性全生不獨在私在已怡
神祈壽良以為國為人比者屢有征行非無疲頓前歲問罪遠在去秋述

幸靈州今復土木頻興營繕屢^動永言思此深念人勞一則以慙一則以愧
何則匈奴為患自古弊之十月防秋人血丹于水脉千里轉戰漢骨皓于
塞垣當此之疲人不堪命尚興未央之役猶起甘泉之功今則耗模穹廬
取為郡縣天山瀚海分為苑池去既往之長勞成將來之永逸譬迴一年
之後創此新宮想志士指人^{不以為言也}布告黎世明此意焉宮既成正
門謂之南風門殿覆瓦餘皆葺之以茅帝以意在清涼務從儉約匠人以
為層巖峻谷玄覽遐長于是疏泉抗殿色山通苑皇太子所居南風門之
東正門謂之嘉禮門殿名暉和殿其官曹市寺署並皆創立微事營造庶
物亦擾市取供而折番和雇之費以巨億計矣及帝行幸勅奉御王孝積
於顯道門起紫微殿十三間文甍重基高敞宏壯帝見之甚悅^{后妃傳徐賢}
_{如工疏諫太}

宗曰北闕初建南營翠微曾未移時玉華創制蓋
二年之中興此三役貞觀之政于此少衰

高宗本紀曰永徽二年秋九月癸巳詔廢玉華宮為佛寺苑內及諸曹司
舊是百姓田宅者並還本主

戊戌改名九成宮為萬年宮

三年夏四月新殿成移御之日謂侍臣曰朕性不宜熱所司頻奏請造此
殿既作之後深懼人勞今既暑熱朕居屋下尚有流汗匠人暴露寔為可
愍長孫無忌曰聖心每以惜人為念臣等不勝幸甚

五年春三月戊午幸萬年宮帝謂太尉長孫無忌曰此宮非直涼爽宜人
且去京不遠朕離此十年屋宇無多損壞昨者不易一椽一瓦便已可安
不知公等得安堵未曾司解署周足未乃親製萬年宮銘并序七百餘字

群臣請刊石建于永光門詔從之

冬十月癸卯築京師羅郭和雇京北百姓四萬一千人板築三十日而罷
起觀于九門

顯慶元年夏六月改東宮弘教殿為崇教殿

龍朔二年夏四月辛巳作蓬萊宮正門曰丹鳳正殿曰含元含元殿之後

曰宣政宣政左右有中書門下二省弘文館史館蓬萊宮即大明宮亦曰東內程
苑東北面射殿之地在龍首山上太宗初于其地營永安宮以備太上皇清暑雖嘗改名大
明宮而太上皇仍居大女宮不曾徙入龍朔二年高宗苦風痺惡太極宮卑下故就修大
明宮改為蓬萊宮取
殿後蓬萊宮以為名

三年春二月賦雍同等十五州民錢減百官一月俸助作蓬萊宮夏四月
丙午宮蓬萊宮會元殿成上始移仗居之更命故宮曰西內
教宮謂太極宮自
武德以來人主居

之自是以後、戊申始御紫宸殿聽政、
謂之西內、

冊府元龜曰、初遣司稼少卿梁孝仁監造、悉于庭院列白楊樹、石駢衛、
大將軍契苾何力入宮中、縱觀孝仁指白楊曰、此木易長、不過二三年、
宮中可得蔭映、何力不得、但誦古詩、白楊多悲風、蕭蕭愁殺人、孝仁遽
令拔去之、更植梧桐、新書契苾何力傳
同孝仁作修仁

乾封二年春二月辛丑、後復以萬年宮為九成宮、

咸亨二年春三月丁丑、改蓬萊宮為含元宮、

四年秋七月庚午、九成宮太子新宮成、上召五品以上親諸宴、太子宮極
歡而罷、

永淳元年春二月、新書在作萬壽宮于藍田、
秋七月

武后長安元年冬十一月戊寅、改含元宮為大明宮、

十二月改含元殿為大明殿、

中宗神龍元年春二月、復改大明殿為含元殿、

景龍元年秋八月戊寅、改玄武門為神武門、樓為制勝樓、

睿宗景雲元年冬十月、以大內為太極宮、

玄宗開元二年秋七月甲寅、作興慶宮、初則天之世、長安城東隅、民王純
家井溢、浸成大池、數十頃、號龍隆慶池、池在龍慶坊南、程大昌曰、帝王之興、若符瑞理

湧為小池、周袤十數丈、常有雲氣、或黃龍出其中、至景雲間、潛復出水、其治浸廣、里人悉移居、遂
為龍池、然西子詳而考之、長安志曰、龍池在躍龍門南、本是平地、自開元初、載後、因水雨流潦
為小流、後又引龍首渠、水分流之、日以滋廣、至景龍中、弥巨數頃、深至數丈、常有雲龍之祥、後
因龍池志、又曰、隋城外東南角、有龍首堰、自此堰、漉水北流、至長樂坡、分為二渠、其西渠自
永嘉坊西南流、經興慶宮、則是興慶之能變平地為龍池者、宜引漉之力也、至六典所記、則全沒
導之寔、乃言初時井溢、已乃泉生、合二水以成此池、專以歸諸變化也、

上在藩邸與宗王成器等列第于其北望氣者言常鬱有帝王氣中宗乃幸池上結綵為樓宴侍臣泛舟戲象以厭之上即位宗王成器等累表請以舊宅為宮制曰朕昔與兄弟聯居藩邸虔奉聖訓遂膺昌期嘗思鄩杜之游頗有芒碭之氣王等固成陳符瑞取則不遠擬備巡幸推而勿居或遵故事宜依今請于是以舊宅為宮興慶宮謂之南內在皇城中南距京城之東直東內之南自東內達南內有夾城複道經東化門達南內人主往來兩宮外人莫知之仍各賜成器等宅環于宮側寧王岐王宅在安興坊薛王宅在勝業坊二坊相連皆在興慶宮西寧王即宗王也睿宗諸子傳曰玄宗兄弟聖歷初出列第于東郊積善坊五人分院同居號五王宅大足元年從幸西京賜宅于興慶坊亦號五王宅及先天之後興慶是龍潛舊邸回以為宮寧王憲于勝業東南角賜宅中王撝岐王範于安興宮坊東南賜宅薛王業于勝業又于宮西西北角賜宅邸第相望環于宮側

南置樓題其西曰花萼相輝之樓南曰勤政務本之樓上或登樓聞王奏樂則召升樓同宴或幸其所居盡歡賞賚優渥帝戒諸王曰奉先帝宮

室奉不敢有加時補葺已愧于勞人矣惟興慶創制乃朝廷百辟卿士以吾舊邸因欲修建不免群卿考室之詞是即庶民子來之請亦所以表休微之地新作南樓本欲察吐俗采風謠以防壅塞是亦古關四門達四聰之意時有作樂宴會不徒然也今因大哥讓朱邸以成花萼相輝之美歷觀自古聖帝明皇有所興作欲以助教化也吾所異者式崇敦睦漸漬薄俗令其人信厚耳

十一年冬十月丁酉作溫泉宮于驪山

羅錄曰驪山溫湯在臨潼縣南一百五十步直驪山之西北平道志曰泉有三所其一處即皇

堂石井後周宇文護所造隋文帝又修屋宇并植松栢千餘株貞觀十八年詔闢立本營建宮殿賜名湯泉宮是年更名溫泉宮而改作之

十九年夏六月詔修理兩都街市溝渠橋道

二十四年夏六月廣花萼樓築夾城至芙蓉園

是年十二月毀東市東北角道改坊西北角以廣花萼樓

也前

二十六年春正月修望春宮

冬十月詔於西京東都往來之路作行宮十餘間

二十八年春正月于兩京路作及城中苑內種果樹鄭審有奉使巡檢兩京路種果樹事畢入奏詩

大寶元年冬十月作長生殿名曰集靈臺以祀神

三載冬十二月癸巳置會昌縣於溫泉宮下

六載冬十月改溫泉宮為華清宮十二月壬戌發馬翊華陰等郡民夫築

會昌城置百司王公各置第舍土畝直千金

七載冬十二月戊戌或言玄元皇帝降于朝元閣上於華清宮中起老君殿之北為朝元閣

制改會昌縣曰昭應朝元閣曰降聖

八載夏四月作觀風樓在華清宮

五月作振旅亭在關遠門外

十載夏四月作交泰殿在興慶宮

十二載冬十月和雇京城戶丁一萬三千人築興慶宮牆起樓觀肅宗乾

元元年春正月改丹鳳門為明鳳門安化門為達禮門安上門為先天門

京城及坊門名有安字者悉改之

代宗廣記元年秋九月禁城內六街種植初諸軍軍使以時艱歲儉奏耕

京城六街之地以供芻至是禁之

永泰二年春正月勅修國子學祠堂論堂六館院及官吏所居廳事宗用錢以

萬貫折曲江亭子瓦木助之八月成

種城內六街樹禁侵街築垣舍者甲朝故事云天街兩畔槐木俗號為槐街曲江池畔多柳亦號為柳街以其成行排立也駱賓王詩揚溝連鳳闕槐路擬鴻都舊書吳湊傳曰官街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

九月庚申京兆尹黎幹以京城薪炭不給奏聞漕渠自南山谷口入京城至薦福寺東街西抵景風延喜門入苑濶八尺深一丈渠成是日上御安福門以觀之

大曆二年秋七月丁卯魚朝恩奏以先所賜莊為章敬寺以資章敬太后

冥福上母吳后乃請以章敬為名復加興造窮極壯麗以城中材木不足充

費乃奏壞曲江亭館華清宮觀樓及百司行廨將相沒官宅給其用費逾

萬億長安朱雀街東第五街皇城之東第三街昇道坊龍華尼寺南有流水屈曲謂之曲江此地秦為宜春苑隋州在漢為樂遊園開元疏鑿遂為勝境其南有紫雲樓芙蓉苑其四有杏園慈恩寺江側孤蒲蕙翠柳陰碧波紅渠依映可愛

德宗貞元三年作玄英門及觀于大明宮北垣

四年春二月築延喜門北複道屬于永春門

三月築武德東門垣約左藏庫之北屬宮城東垣因廢武庫以器械隸于

軍容使

八年春正月新作玄武門及廡會鞠塲

十二年秋八月庚午增修望仙樓廣其城十三宅玄宗諸子傳先天之後皇孫初則居內東封年以漸成長乃

于安國寺東附苑城同為大宅分院居為十五宅令中官押之于夾城中起居每日家令進膳又

引詞學工書之人入教為之侍讀十王謂慶忠棟鄂崇光儀顯承濟蓋舉全數其後盛義壽

陳豐恒涼云王又就封入內宅二十五年郭光得罪忠繼大統天寶宗慶祿又歿唯崇儀等十

四王居院而府幕列于外坊特通名起居而已外諸孫成長又于十宅外置百餘院每歲幸華清宮側亦有十五王院百餘院官人每院四百餘人孫院三四十人又于宮中置維城庫諸王月俸物約之而給用諸孫納妃嫁女亦就十室中太子不居于東宮但幸居于乘輿所幸之別院太子亦分院而居始嫁則同親王公主在于崇仁之禮院

十三年春三月戊子造會慶亭于麟德殿前。

夏六月辛巳引龍首渠水自通化門入至大清真宮前。

秋七月壬辰浚魚藻池。

八月丁巳詔曰昆明池俯近京城古之舊制蒲魚所產實利於人令京兆尹韓皋充使疏浚并修石炭賀蘭二堰冬十一月工成。

十九年春二月丁亥修含元殿。

憲宗元和二年夏六月丁巳朔始置百官待漏院于建福門外故事建福望仙等門音而閉五更而起啟與諸坊門同時至德宗有吐蕃囚自金吾仗亡命因勅晚開門宰相待漏于太僕寺車坊至是始令有司據班品置院丙子左神策軍新築夾城別開門曰玄化建樓曰晨輝。

三年冬十月修南內殿及勤政樓明光樓。

六年夏五月毀興安門南竹亭。

八月秋七月癸酉修興唐觀北距禁城開復以通行幸。

九年夏六月置禮賓院于長興里北。

十二年夏四月築夾城自雲韶門芳林門西至修德里以通于興福寺又置新市于芳林門南。

五月己酉作蓬萊池周廊四百間。

十三年春二月詔六軍使脩麟德殿浚龍首池起永暉殿襲度傳雕飾綺

煥從佛寺之花木以充焉大明宮東面有東內苑中有龍首殿龍首池龍首渠水自城南而注于此池宋白曰龍首殿在右軍

十四年春正月徙置仗內教坊于延政里。

十五年秋七月作永安殿寶慶殿修日華門通乾門
穆宗長慶元年夏五月辛亥于禁中造百尺樓

文宗太和元年夏四月壬寅詔毀昇陽殿東放鴨亭戊申毀望仙門側看
樓十間並敬宗所造也

秋八月癸卯詔毀如京倉以其地歸門下省寶曆末好廣苑園門下省馬
廐因通人禁中至是還之

二年秋八月修福安樓及兩儀殿甘露殿
九月築昭慶門內西墻

九年春正月辛卯發左右神策軍千五百人浚曲江及昆明池昆明池見上
長安志曰今
為民田天既可以為民田則非有水之地矣然則漢于何取水也長安志引水經曰交水西至石
碣武帝穿昆明池所造有石閘堰在縣西南三十二里則昆明之周三百餘頃者用此堰之水

也昆明基高故其下流尚可壅激以為都城之用于是並城疏別三派城內外皆賴之此池仍
在括地志云豐鎬二水皆堰入昆明池無復流派括地志作于太宗之世則唐初仍自壅塞未
廢至文宗而猶嘗加濬也然則圖經之作
當在文宗後故竭而為田也

二月敕都城勝賞之地唯有曲江承平以前亭館接連近年廢毀思俾葺
修已令所司芟除栽植其諸司如有力及要創製亭館者給與開地任其

營造雍錄唐曲江本秦隴州至漢為樂遊苑基地最高四望寬敞隋為京城宇文愷以其
地在京城東北南隅地高不便故闕此地不為居人坊巷而築為池以厭勝之又會黃渠水
自城外南來故隋世遂從城外包之入城為芙蓉池且為芙蓉園漢武帝時池周四里
餘唐周七里占地三十頃又加展拓矣其地在城東南昇道坊龍華寺之南

秋七月毀銀臺門起修三門樓詔發左右軍二千人填龍首池以為鞠場
庚戌建紫雲樓于曲江

九月帝幸右銀臺門觀工發左右神策軍一千五百人浚曲江及昆明
池

十月乙亥、內出曲江、新造紫雲樓、彩霞亭、額在軍中尉仇士良以鼓吹迎于銀臺門、

鄭注傳曰、注言秦中有災、宜興工、後以禳之、文宗能詩、常吟杜甫江頭篇云、江頭宮殿鎖千門、細柳新蒲為誰綠、始知天寶以前、曲江四岸有樓臺、行宮解署、心竊慕之、既得注言、即命左右神策軍、差人陶曲江、昆明二池、仍許公卿士大夫之家、于江頭立亭館、以時遊賞、通鑑十二月甲申、敕罷修

曲江亭館

武宗會昌元年春三月、建靈符應聖院于龍首池、

三年夏五月、築望仙臺于禁中、

五年春正月己酉朔、敕造望仙臺于南郊壇、

夏五月、神策軍奏修望仙樓及廊舍五百三十九間、功畢、

宣宗大中元年春二月、修百福殿院、

秋八月、神策軍奏修百福殿、成、名其殿曰雍和殿、樓曰親、樓凡廊舍屋宇七百間、以會諸王子孫、

二年春正月、神策軍修庄銀臺門樓屋宇及南西城牆至睿武樓、

五年修明儀樓、

僖宗光啟三年六月丙辰、太常禮院奏太廟十一室并祧廟八室、孝明太后等別廟三室、自車駕再幸山南、並經焚毀、神主失墜、今太駕還京、宜先葺宗廟神主、然後還宮、遂詔修奉太廟、使宰相鄭道昌修奉、是時宮室未完、國力方困、未暇舉行舊制、延昌請權以少府監大廳為太廟、太廟

凡十一室、二十三間、十一架、今監五間、請添造成十一間、以備十一室之數、勅曰、敬依典禮。

新唐書地理志曰、上都初曰京師、天寶元年曰西京、會要開元元年十二月三日改為京兆府至德二載曰京中京、十月十五日上元二年復曰西京、九月二日肅宗元年曰上都、建

月一

皇城長千九百一十五步、廣千二百步、宮城在北、長一千四百四十步、廣九百六十步、周四千八百六十步、其崇三丈有半、龍朔後、皇帝常居大明宮、乃謂之西內、神龍元年曰太極宮、大明宮在禁苑東南、西接宮城之東北隅、長千八百步、廣千八十步、曰東內、本永安宮、貞觀八年置、九年曰大明宮、以脩太上皇清暑百官獻賞以助役、高宗風痺、厭西內湫溼、龍

朔三年始大興、昔曰蓬萊宮、咸亨元年、今日含元宮、長安元年復曰大明宮、興慶宮在皇城東南、距京城之東、開元初置、至十四年又增廣之、謂之南內、二十年築夾城入芙蓉園、京城前直子午谷、後枕龍首山、左臨灊岸、右抵灊水、其長六千六百六十五步、廣五千五百七十五步、周二萬四千一百二十步、其崇丈有八尺。

京兆府

萬年縣有南望春宮、臨灊水西岸、有北望春宮、有東廣運渠、信唐書韋堅傳曰、天寶元年、擢為陝郡太守、水陸轉運使、自西漢及隋有運渠、自關門西抵長安、以通山東租賦、堅奏請于咸陽壅渭水、作興成堰、截灊澗水、傍渭東注、至關西、永豐倉下、與渭合、于長安城東九里、長樂

坡下澆水之上、架苑牆、東面有望春樓、下穿潭以通舟楫、二年而成、堅預于東京汴宋、取小斛底船三二百隻、置于潭側、其船皆署牌表之、樓下連牆、彌亘數里、觀者山積、堅跪上諸郡請輕貨、又上白牙盤食、玄宗歡悅、賜名廣運潭。

長安縣有大安宮、本弘義、後更名、南五十里、太和谷有太和宮、武德八年置、貞觀十年廢、二十一年復置、曰翠微、籠山為苑、元和中以為翠微寺、貞觀二年、尹韓朝宗引渭水入金光門、置潭于西市、以貯材木、大曆元年、尹黎幹自南山開漕渠、抵景風延喜門入苑、以漕炭薪。

咸陽縣有望賢宮。

興平縣西十八里有隋仙林宮。

渭南縣西十里、有遊龍宮、開元元二十五年更置、東十五里有隋崇業宮。

昭應縣有宮、在驪山下、貞觀十八年置、咸亨二年始名溫泉宮、天寶六

載更名華清宮、治湯井、為池環山、列宮室、又築羅城、置百司及十宅。

高陵縣西四十里有龍躍宮、武德六年、高祖以舊第置、德宗以為修真觀。

藍田縣、永成淳元年作萬全宮、弘道元年廢。

鄠縣東南三十里、有隋太平宮、西南二十二里有隋甘泉宮。

武功縣有慶善宮、臨渭水、武德元年、高祖以舊第置宮、後廢為慈德寺。

華原縣有永宮、長安二年置、有蒲萄園宮。

華州

鄭縣東北三里有神臺宮本隋普德宮咸亨二年更名

華陰縣西十八里有瓊岳宮故隋華陰宮顯慶三年更名東十三里有隋金城宮武德三年廢顯慶三年復置

同州

馮翊縣南三十二里有興德宮在志武里高祖將趨長安所次朝邑縣有長春宮

鳳翔府

麟遊縣西五里有九成宮本隋仁壽宮義寧元年廢貞觀五年復更名永徽二年曰萬年宮乾封二年復曰九成宮周垣千八百步並置禁苑

及府庫官寺等又西三十里有永安宮貞觀八年置

整屋縣有有司竹園東南三十二里有隋宜壽宮有樓觀老子祠

坊州

宜君縣有仁智宮北四里鳳凰谷有玉華宮永徽二年廢為玉華寺

唐六書曰京城左河華右隴坻前終南後九變南面三門中曰明德左曰

起夏右曰安化東面三門中曰春明北曰通化南曰延興西面三門中曰

金光北曰開遠南曰延平今京城隋文帝開皇二年六月詔左僕射高穎所置南直終南山子午谷北據渭水東臨澹水川西次澧水太子左世子

宇文愷創制規謀將作大匠劉龍工部尚書賀婁子幹太傅府少卿高龍又並充檢校至三年三月移入新都焉名曰大興城東西八里一百一十五步南北十五里一百七十五步牆高一丈八尺皇城之南東西十坊南北九坊皇城之東西各一十二坊西市居四方之地凡一百一十坊皇城在開元十四年又取東西二坊為興慶宮

京城之中東西五里一百一十五步南北三里二百四十步今謂之子城南面三門中曰朱雀左曰安上右曰含

光 朱雀門正南當明德門正北當承天門外橫街 東西二門北曰延喜南曰景風延喜門則
正東直春明門正西直金光門
承天門外橫街西面二門北曰安福南曰順義安福門西直開遠門 其宗中左宗廟安

東門內 右社稷在含光門 百僚解署列乎其間凡省六寺九臺一監四衛十有
六省謂尚書門下秘書殿中內侍省九寺謂太常宗正司農太府鴻臚衛尉太僕光祿大理寺一
臺謂御史臺四監謂少府將作國子都水監十八衛謂左右衛左右金吾衛左右騎衛左右武衛
左右威衛左右領軍衛左右監門衛左右千牛衛左右羽林軍衛左右中書門下凡有三所並
在宮城之內國子監在皇城之南左右金吾衛在皇城之東西左右羽林軍衛在玄武門之北

東宮屬 凡府一坊三寺三率府 一府謂詹事府三坊謂左右春坊內坊五寺謂家令
率府左右監門率府 宮城在皇城之北南面三門中曰承天東曰長樂西曰
永安承天門隋開皇二年作初曰廣陽門仁壽元年改曰昭陽門武德元年改曰順天門神龍元

西內承天門正當唐興村門有大槐樹柯枝森鬱即柳門樹也 若元正冬至大陳設燕
會赦過宥罪除舊布新受萬國之朝貢西夷之賓客則御承天門以聽政

蓋古之 其北曰太極殿 其內曰太極殿 朔望則坐而視朝焉蓋古之中朝也

外朝也 興殿煬帝改曰虔福門貞觀八年改曰太極殿武德元年改曰 次北曰朱明門左曰虔化

門右曰肅章門肅章之西曰暉政門虔化之東曰武德西門其內有武德有

又北曰兩儀門其內曰兩儀殿常日聽朝而視事焉蓋古之內朝也隋曰中華

承天門之東曰長樂門北入恭禮門又北入虔化門則宮內承天門之西 兩儀殿之東曰萬

春殿西曰千秋殿兩儀之左曰獻春門右曰宜秋門宜秋之右曰百福門

其內曰百福殿百福之西曰承慶門內曰承慶殿獻春之左曰立政門其

內曰立政殿立政之東曰大吉門其內曰大吉殿兩儀之北曰甘露門其
內曰甘露殿左曰神龍門其內曰神龍殿右曰安仁門其內曰安仁殿又
興仁宣猷崇道惠訓昭德安禮正禮宣光通福光昭嘉猷華光暉儀壽縷福等門薰風
就日翔鳳咸池臨照望仙鶴羽乘龍等殿凌煙翔鳳等閣

大明宮在禁苑之東南西接宮城之東北隅龍朔二年高宗以大內旱濕乃于此置宮南面

五門正南曰丹鳳門東曰望僊門次曰延政門西曰建福門次曰興安門

南當皇城之登夏門舊京城入苑之北門開皇三年開餘四門並與宮同置丹鳳門內正殿曰含元殿殿即龍首山之東趾也階上高于平地四十餘丈南去丹鳳門四百餘步東西廣五百餘丈今元正冬至于此聽朝也

相投殿東有通乾門西有觀象門閣下即朝堂其北曰宣政門外東廊曰齊德門西廊曰

無禮門內曰宣政殿前東廊曰日華門東門下省省東南北街南直

舍禮門出昭訓門宣政殿前西廊曰月華門西中書省西南北街南

直昭慶門出光範門宣政之左曰東上閣右曰西上閣次西曰延英門其

內之左曰延英殿右曰含象殿宣政北曰紫宸門其內曰紫宸殿即內朝正殿也

殿之南面紫宸門左曰崇明門右曰光順門殿之東曰左銀臺西曰右銀

臺門次北曰九僊門殿之北面曰玄武門左曰銀漢門右曰青霄門其內又有麟德凝霜

承歡長安仙居拾翠碧羽金鸞蓬萊含涼珠境三清會水香紫蘭等殿興慶宮在皇城之

東南距外郭城東垣之半以置朝自大明宮興羅城後道經通化門磴道潛通焉

宮之西曰興慶門其內曰興慶殿即正衙殿有龍池次南曰金明門內之北曰

大同門其內曰大同殿宮之南曰通陽門北入曰明光門其內曰龍堂通

陽之西曰花萼樓樓西即寧王第故取詩人棠棣之義以名樓焉樓西曰明義門其內曰長慶殿宮之

北曰躍龍門其內左曰芳苑門右曰麗苑門南走龍池曰瀛洲門內曰龍

南薰殿瀛洲之左曰僊雲門北曰新射殿又有同光承雲初陽飛軒玉華等門飛

名區協聖諱所居宅之東有舊井忽湧為小池周表纜數尺常有雲氣或黃龍出中其至景

龍中潛復出水其治浸廣時即連合為一未半歲而里中人悉移居遂鴻洞為龍池焉蓋

符命之先也禁苑在大內宮城之北北臨渭水東距漣水川西盡故都城其周

先也

先也

二十禽獸蔬果莫不毓焉。若祠禴蒸嘗四時之荐，蚩夷戎狄九賓之享，則蒐狩以為儲供焉。

舊唐書地理志：苑城東西二十七里，南北三十里，東至灊水，西連故長安城南，連京城北枕渭水。苑內離宮亭觀二十四所，漢長安故城東西十三里，亦隸入苑中。苑置四面監，總長監以掌種植。

康駟劇談錄曰：會元殿國初建造，鑿龍首崗以為基址，形埤鉤砌，高五十餘尺，左右立樓鳳翔，二闕龍屈道出于闕前，倚欄下瞰前山，如在諸掌。殿去五門二里，每元朔朝會，禁軍與御仗宿于殿庭，金甲葆戈，雜以綺繡，羅列文武，纓佩序立，蕃夷酋長，仰觀玉座，若在霄漢。

又曰：曲江池本秦世隄州，開元中疏鑿，遂為勝景。其南有紫雲樓、芙蓉苑，其南有杏園、慈恩寺，花卉環周，煙水明媚，都人遊苑翫盛于中。元上巳之節，綵幄翠幃，匝于堤岸，鮮車健馬，比肩擊轂，上巳之節，賜宴臣僚，京兆府大陳筵席，長安萬年兩縣，以雄盛相較，錦綉球玩，無所不施，百辟會于山亭，恩賜太常及教坊聲樂，池中脩綵舟數隻，唯北省宰相三使北省官，與翰林學士登焉，每歲傾動皇州，以為盛入，夏則蒲菰蔥翠，柳陰四合，碧波紅渠，湛然可愛。

宋史宗廟傳論：唐入閣儀曰：入閣乃唐雋日于紫宸殿受常朝之儀也。唐有大內，又有大明宮，宮在大內之東北，世謂之東內。高宗以後，天子多在大明宮，宮之正南門曰丹鳳門，之內第一殿曰會元殿，大朝會則御之，第二殿曰宣政殿，謂之正衙，朔望大冊拜則御之，第三殿曰紫宸殿，謂之上

閣亦曰內衙。隻日常朝則御之。天子坐朝須立仗于正衙殿。或乘輿止御。紫宸即喚仗自宣政殿兩門入。是謂東西上閣門也。

又按唐自中葉以還。雙日及非時大臣奏事。別開延英殿。若今假日御崇政。延和是也。乃知唐制。每遇坐朝日。即為入閣。其後正衙立朝。仗因而遂廢。甚非禮也。

五代

冊府元龜曰。後梁太祖開平元年夏四月戊辰。廢西京。以京兆府為大安府。置佑國軍。

三年秋七月庚午。改佑國軍為永平軍。

後唐莊宗同光元年冬十一月辛酉。復以永平軍大安府為西京。兆府。

二年八月壬午。西京奏重修華清宮。溫湯屋宇。

後晉高祖天福三年冬十一月丙辰。廢西京為晉昌軍。

後漢高祖乾祐元年春三月。改晉昌軍為永興軍。



